

四庫全書

史部

欽定四庫全書

欽定熱河志卷一百九

藝文三

本朝

詩

辛酉扈從出喜峯口

高士奇

清蹕出雄關
鳴笳歷荒徼
夾嶂真天開
壁立盡奇峭
往時設重戍
藉此為險要
戰壘虛風生
孤城斜日照
年

年荷戈人未得息征調自從被

至德遠近奉

明詔遂使邊隅民不用驚烽燎喜隨

萬乘來快哉肆登眺

晚宿白臺

高士奇

塞行未十里塞景已殊異入目多荆榛亂峯含紫
翠翹首睇長城萬載嚴嚴邊備連幕宿山陽迢迢橫
晚吹虎嘯巖谷鳴颯颯風隨至幕火散繁星周廬

環七萃來朝

屬車塵應抗凌雲志

過嶺

高士奇

六龍乘曉發萬騎陟重岡灌木翳青天亂石縈羊腸縱橫
澗水流隱約山花香山花非一狀紅紫含芬芳更
有青楓樹嘉陰凝衣裳仰面觀奇峯怪石紛低昂
時當四月初猶覺山風涼曠然心眼豁不似披遐
荒兼旬實壯遊塵慮為之忘

黃土巖

高士奇

何年鑿山骨屹立疑千尋徙倚不可即駐馬空沉吟
藤梢與葛刺蒙密何陰森懸崖支一木微徑通嵌嵌
巖扉有遺跡邈矣煙霞深杳靄青松際白雲迷至今

駐蹕寬城北五里水次

高士奇

省方入遠疆

駐蹕蒼崖裏崖下俯長河波瀾最清駛娟娟三兩峯掩映

雲霞紫微風馨磻松殘陽下流水幽賞平生懷對
此翻然喜捲慢息銀燭愛看山月起

將出達什喇卜齊爾口作

高士奇

衆山向背殊峯峯自迴互石上漾清泉山根叢茂
樹咫尺誤行蹤往來遵細路穹環數十轉潺湲八
九渡林花雜春夏風景變朝暮勝覽意不忘塞行
有深趣

駕出達什喇卜齊爾口喀喇沁諸部落率其所屬伏迎道

左

高士奇

直北幽崖早向誠不須更築受降城
職方記載梯船路王會傳呼拜舞聲
紅綾邊花迎雉扇碧搖巖樹轉龍旌
太平

遊幸非征伐應笑元封自勒兵

從獵

高士奇

蒼山萬疊雨初晴從獵朝看塞景清
月兔射來誇技絕星狼追得闌身輕
班聯翡翠翎中坐隊入鸞

黃裱裏行十二羽林皆健將只容款段一書生

臣班

在親隨侍

衛之列

駐蹕巴爾漢湯泉

泉較遠
化更熱

高士奇

夕照下西嶺平楚生荒烟旌旗散晚獵萬馬奔前
川忽看碧草際一水流濺濺深澗轉澄澈暖氣如
沸煎少坐濯塵纓云是古湯泉遠聽鏡吹發帝幕
燈光懸四望盡暝色圓月明山巔

射虎行

并序

高士奇

巡徼者報夜來虎至營中傷一驪馬尚在山前

上率侍衛往射殪之恭紀

皇輿蕩蕩界蒙古

玉輦時巡歷茲土
迴岡巨壑叢棘多陰
森林木不知午干
乘萬騎排空來
夜張行幄山之塢
月上忽聞羣馬
驚傳道山前出
猛虎曉看一馬果
摧殘殷血淋漓
在兩股

龍鑣飛鞚陟層崖
衛士騰驤齊負羽
撐巖剔藪無幾時
一

箭橫胷洞肺腑遠人手額復戰栗言此虎為患
苦道傍白日每捕人傷戕行旅莫可數幸茲惡劣
得剪除

聖主當陽真神武從來射虎多耳聞何似臣今得目覩因
歎蠢頑本不靈貪饕無厭乃自取不然長林豐草
間餐眠何畏施弓弩殺人安人王者心即此推之
澤自普

扈從雜紀四首

高士奇

古人邊塞吟但道沙場苦誰知遠徼外峯崖更參
伍地腴首宿肥山幽松樹古若令勤耕織其益豈
小補穹幕山之陽終歲收牛穀近稍敦禮義漸漸
識規矩偃倮謁道隅趨蹌申拜舞欣看古甌脫今
受大化撫

空山孤兔羣終歲少人跡叢條蔽遠岡墮葉堆荒
澤首夏猶苦寒邊風日將夕夜雨聲瀟瀟燈光暗
油碧雲黑峯巒沉但見炊烟白

喬松千餘株枝枝盡奇矯遠望青岑邊似在白雲
表雨過林壑清天空初日曉羽騎來驂驛霓旌更
縹緲迺入山谷細路歷深窅終日臨高峯欽崎
復盤遠回首顧榆關萬山青不了方知地軸確結
構非貌小

人生宇宙間志願當何如不行萬里路即讀萬卷
書早歲慕五嶽中年困窮居耳目苦未廣懷抱慙
空虛鳴鑣隨

金史卷一百九
卷一百九
禹載攬轡觀

皇輿出境雖不遥
閱歷皆異墟
朝朝扈

蹕行非是勞
征車詩成傲
往彥徒見征伐餘

賜宴喀喇沁諸部落恭紀

高士奇

黃幄高張羽衛陳
遐方述職盡稱臣
金螺酒醴頒三爵

寶碗茶膏遍一巡
問俗遠同虞
出狩要盟欲笑漢

和親長城有險休
重設至治從來守
四鄰

賜賚喀喇沁諸部落恭紀

高士奇

帝澤逗數到八埏精錫文織散窮邊應差使者通西域何
用將軍款右賢錦繡平添林嶠色雲霞四映塞垣
天賈生五餌終迂論何似懷柔大化宣

過大石磯行雨中

高士奇

派雲浮鼎鼎山川雜烟霧出沒多奇峯穹窿各吞
吐驅馬上懸崖崖傾馬驚顧百里盡蒙密杳靄失
前路古道幾登頓亂流繞深樹活活雨脚低隱隱
雷聲布澗外起長虹旌旂閃薄暮

曉行將入喜峯口新霽

高士奇

雲際露山頂青林來日光曉從

六龍行高下逾重岡巖花落未殘磴道餘芬芳鳥聲辨開
樹人語如故鄉鏡歌清吹發遠風旌旆揚鑿鑿萬
仞餘鬱弗臨大荒歷茲戰鬪地壯士願慨慷願施
造化功處處知耕桑

癸亥扈從出古北口

古鎮青山口雙崖對面削綫路通兩軌峯如犬牙

錯險阻自天成何人施鑿鑿怪石虎狼蹲
硤角馬驚愕

盛世尚柔遠邊陲久開拓歲稔列雲旂金支耀叢薄憶
昨經榆關山川恣搜索春來望雁門千里窮寥廓
懷抱早超然當暑再持橐出色起長謠

皇心在經畧

十八盤嶺

高士奇

塞行不厭山騁望少平陸北上更宕克鳥徑繚而

曲前旌趨平岡後隊出灌木龍蔥巖陰繁滴瀝磧
泉足火雲照衣裳炎景近初伏馳驅萬馬蹄翁翁
走深谷向午聞鳴蜩凌風振輕縠

塞花

勵杜訥

姹紫嫣紅闌午晴韶光彷彿是春明近天雨露均
霑潤徧地芳菲不辨名異種合教鸞絹寫濃香長
傍馬頭生

盛朝茂育真無外百卉邊陲共向榮

塞草

勵杜訥

萋萋礧石復巖腰和雨和烟色最饒軟碧迎來袍
影舊芳茵視處馬蹄驕多因地僻膏偏沃為喜風
和翠未凋生長幸承

雕輦路龍蔥小草並含韶

塞外觀月

勵杜訥

乍湧水輪萬里清光騰行幄儼瑤京遲他五夜明
初滿坐到三更魄倍明此夕似疑邊地雪當年曾

照漢家營龍沙盡繪昇平景待

輦多慚謝賦精

野芍藥

勵杜訥

山坡遠望見花枝宛似豐臺綽約姿野質未曾登
上苑芳名猶自號將離喜逢化雨霑濡日得有臨
風爛漫時塞植盡皆涵

聖澤莫云草木便無知

扈從出口山川景物觸目賞心恭紀十首

陳元龍

土美從人說身輕始稔知清泉甘似醴豐草滑如
脂不信風霜厲還看物產滋小臣誠厚幸策馬自
忘疲

山行深更好恍在畫圖中絕巘千尋碧疎林萬樹
紅原禽棲茂草仙鹿出芳叢目賞真難給朝朝景
不同

靈液不知源涓涓遠石根臨流清可覽潤物氣常

暄沁骨能祛疾充腸更滌煩
南陽空記異菊水漫稱尊

綿亘山無極鳴鞭入紫烟
凌寒花自滿映日翠逾妍
樹杪雙旌出雲中六轡連
巨靈何日擘巡幸待

堯年

奇花難問種珍果不知名
艷若鋪霞錦香疑襲杜蘅
金光隨手摘火實傍車迎
漫道江南好霜柑幾樹盈

近塞羊初美高原雉正肥
擊鮮真足樂下鼓漫相
譏珍宜誇婁膳貧還笑
朔饑徒縈鰕菜慕嘗此味
全非

旦暮寒暄異終朝備四時
午風初夏好斜日晚秋
宜春服隨人著冬裘入
夜披自然安作息雲卧不
須疑

青崖多植黍葱鬱自成叢
不費耘耔力無勞灌溉
功餘糧棲畝畔滯穗樂年
豐擊壤皆熙皞猶存上

古風

誰言沙漠地鎮日作山遊
嵐翠侵衣濕溪聲傍枕流
汲泉烹茗撥火試新筍
自愧詩篇拙難題塞上秋

堯封應未及禹貢幾曾收
景物移三島興圖隘九州
山從高掌拓水戴廣輪
浮不是倍

仙躋壽能快壯遊

熱河記事四首

陳元龍

千山環紫塞一水護丹邱土沃風猶古農耕戶已
稠地靈迎

日馭天意待

宸遊隨

蹕重過此清涼五月秋

行殿無雕績山原有性情高卑因地勝簡樸儼天
成林壑千重護烟雲四面生寰中新樂土歲歲駐
霓旌

金史卷一百八
官自文章舊

恩因顧問新地傳真閣苑人識老儒臣高厚難酬

主哀殘未亡身摩挲雙眼暗開卷每逡巡

微舍三間潔移花一院香新泉烹茗啜野菜入羹
嘗室淺風翻帙牆低月滿床七年塵土夢到此暫
心涼

熱河

高其倬

好景天開古塞垣百靈翹首奉

行軒峯迴翠黛烟長護水孕丹砂氣自溫五色雲來知入
夏萬家人聚喜成村年年雨露隨

雕輦千里桑麻接廣原

熱河山莊

高其倬

昆圃原宜苑神山自有樓烟雲開紫塞職覲近
皇州壑邃災難到湖平澹不流

聖人行處好翠色十分秋

渡灤河

高其倬

天晴渡灤河漲落水初縮古岸留舊痕磷磷沙映
玉迴思夏潦盈萬騎走平陸重來幾何時波靜颿
輕穀青山亦多情千里同迴曲返照上遥鬢秋影
落蛾綠纖鱗依鏡遊晚路抱烟宿清賞惜須臾搖
鞭轉前麓

扈從出古北口二首

蔣廷錫

詰旦飛雲霓連峯忽中鑿蜿蜒一線開青蔥下縈
薄山城據雄勢睥睨俯萬壑

聖人大無外天險非楫鑰居民儼廬井闕吏靜鈴柝乃知
至治世元化自寥廓和風迎面來遠烟吹漠漠

石路車聲高青林深且邃重山互回抱淡日照空翠
小橋架潺湲恍然聞天地袂衣生微寒頓覺氣候
異書生處海濱見聞僅一二竒觀新耳目美景豁
胸次多幸事

聖明談笑疎輕轡

夜光木

蔣廷錫

乍見星芒映室中
喜看熬火照窻櫺
夜明簾薄來西域
徑寸珠圓出海宮
清似晶融還貫月
碎如螢散遠隨風
此身恍入琉璃界
寧羨金蓮蠟炬紅

雙塔峯歌

蔣廷錫

遠山月落天鷄鳴
長峯吹雪度層嶂
霧花作雨十里香
扶桑鞭促金烏上
斷雲忽露兩峯尖
半隱半明失顧瞻
太陽高照陰靄散
塔影雙挿驚排籤
紅雲一握遞迎送
穆金石色光浮動
誰將玉斧中劈

開比肩而立相伯仲左峯彷彿生紫烟鏤開三穴
皆天然山根疑與鑿圭竇上穴大小珠窩圓日光
直射圓鏡赤玲瓏透漏仇池天右峯稍低如拱揖
浮圖相對神功全須臾馬首齊向東兩峯體合如
一峯石屏方正卓然起峯巔綠樹陰濛濛行行二
里山脚走右峯轉左左轉右嵌空突兀亦非常面
面皆驚峯勢陡憶從先臣宦粵省梅花村上羅浮
頂百二十里老人峯沒膝黃雲盤石磴復記前年

登華山蓮花朶朶雲霓間仙人掌冷挹紫濯玉女盆
虛圓翠鬟今朝所見真大觀半空落下青琅玕山
迴溪轉雙塔隱行人馬上回頭看生平足跡探奇
秘飽眼山川皆

帝賜愧無米芾畫石筆寫出雙峯掛帆勢

上幸海拉蘇臺大獵

恩賜觀圖恭紀

蔣廷錫

秋高弓勁馬肥千山紅葉連霞飛外藩部長率

帳落來奉

君王大合圍平川幾點人如豆漸見烏闌盡遠岫青旗引
路時飄揚四無人聲約步驟峯腰變出常山蛇犀
馬班駁雜五花陣肺欲轉勢未合草間出沒驚麇
麇東偏飛騎下林麓山頂人排城堵盡圍場圖放
十里寬四面回還衣帶束僊僊俟俟何處來長角
大耳跳蒿萊倉皇急欲突圍走揚鞭噪逐喧春雷
羽林掠圍靜無擾馬密人齊圍轉小雲麾五色八

門開盤屈遊龍頭尾繞十尋黃燾吹長風晴天皎
日光曛曛山祗地靈共鞭策悉率羣友居園中繡
駁玉勒疾馳騁乾草霜蹄逐風影

天威手挽八石弓十四把長餘箭鋌前鹿已中金僕姑雕
翎灑血紅糝糊後鹿一發中其項高坡仰僕鳴嗚
鳴須臾連射二十鹿箭服曾無遺一鏃天網還開三
面思下馬撒圍教止戮秋冬獮狩古所傳維

皇聖武縱自天仁風已捲鵲麗陣勇氣尚掛魚須旂外藩

健兒千二百忽掃雲屯散無迹徐進退心力齊
知是吾

君恩所格始信天下一家語絕域遐邊總畿輔小臣袖手
得賜鮮敬繼岐陽歌石鼓

上命登興安高處眺恭紀四首

蔣廷錫

馬蹄得得踏寒沙日色雲光兩盪摩穩立興安最
高處青天左界看山河

花飛短荻雲千疊葉落喬松玉萬株無數春蠶沙

上卧絶勝平遠范寬圖

掠掠風從脚下生始知身已接空冥真將目力窮
千里著地天垂一線青

沙痕奔馬晴還捲風力盤雕怒自號此處重陽無
幾日山頭先已

賜登高

上親射金錢豹恭紀

蔣廷錫

朔塞雲深候南山霧隱年韜文藏白草煥采發寒

烟爪利騰張猛身輕跳躍便志貪全鹿飽路值

六龍旋木落千林蠹塵飛一騎先出房金鏃疾彎月寶弓

圓驚性思拏肉

天威易縛綿奔逃方股慄僵仆見膈穿置負明駝背携歸
行殿前驚看人聚堵環立衆摩肩鬚勁垂霜潔毫班
帶血鮮舊曾聞艾葉今始識金錢雪照胸間色
風腥口上涎真堪雄並虎寧止倍於斫孔武羔裘
句長楊射獵篇幸隨豹尾後窺管頌秋田

癸未六月扈從出古北口

查慎行

太行蜿蜒二千里七十二圻連首尾東趨遼碣西

冷陁留幹一門屹中疊

古北口一名留幹嶺見金史

巨靈辟石

如擘雲雲根俯插黃花軍烟氛突過掃無迹風雨
欲來天半聞出關彌望神州壤

六飛清暑頻來往高墉已斷山不斷無數芙蓉列仙掌川

迴岡轉

輦路長涼亭舊驛今村莊

元時避暑沿路多涼亭賜東西涼亭軍士糧鈔見文

司本紀帝御北涼亭見趙世延傳明洪武之
二十七年置古北口十四驛猶存東涼亭驛之名
禽魚共識

天顏喜草木中含

御氣香小臣多年客燕代夢想何曾踰紫塞自謂遭逢老
更奇停鞭飲馬長城外

兩間房直廬作

查慎行

隨班番直又晨興金鑰銜魚轉數層延閣日長無
箇事坐消清簟一壺冰

過青石梁

查慎行

天豁新開嶺

寫旗曉向東古藤攀石度絕壁過雲通鳥啄山花雨蟬
嘶樹葉風林巒行不盡長在畫圖中

駐驂鞍子嶺連雨驟涼

查慎行

複磴中涵金碧姿小青山外

踰初移愛迎嵐翠晨趨直貧傍燈明夜咏詩泉脈曲通行
帳外雨聲渾似滴蓬時水晶宮殿清涼國傳語人

間總未知

賦夜光木

查慎行

積水生神木俄登几案旁
四時無改火五夜必騰
光近暎藜輝淡暹分桂魄涼
頓教虛室白臨卷勝
螢囊

五更隨

駕發鞍子嶺行至三道梁天始明

查慎行

金壺虬箭響登登霽月沉天景漸澄
谷卷一重環

翠幙雲移雙伏識紅燈風輪暗激飛梁轉松頂遲
看旭日升滿篋纖絺長什襲此來何處有煩蒸

駕幸釣臺召臣等隨行

賜膳釣魚恭紀六首

查慎行

高臺俯瞰樺榆溝

指示灤河最上流記得銀絲繪鮮鯽欣從塞外識源頭

已刻

上柳樓召臣等至指臺

下流水

諭曰此灤河上流也

魚藻池邊

輦路平直隨

仙仗到蓬瀛官厨初飫紅蓮飯

御饌仍分碧澗羹

午刻 賜御饌
紅蓮米飯柳根魚羹

山莊一帶並河壩人衆如魚盡力田要與周詩占

吉夢早開場圃待豐年

一條羅帶水拖藍只少魚舟着兩三滿眼丹青輸

畫手鶯聲柳色似江南

文鱗躍處起漣漪水族沾

恩樂此時不是網羅施不得為留餘澤及鯢鮪

佳名原自柳根來

魚名柳根赤蓋柳根之色赤此魚好噉柳根故名

釣得

仍將柳貫腮分

賜詞臣三百尾插竿騎馬雨中回

直廬磁瓶草花

查慎行

澗草巖花摘小叢
秘磁斟水愛青紅
不教開落塵沙畔
只似栽培雨露中
映壁數枝開曉日
入簾雙蝶帶西風
誰將蟋蟀籬邊景
移向灤河

避暑宮

賦野杏根

查慎行

古根埋不爛，搜剔豈能辭。
斑剝舊苔蘚，槎枒新菌芝。
乾坤無棄物，研席得竒姿。
自有天然質，何煩斧鑿為。

雙塔峯歌

查慎行

灤河之水鳴淙淙，晨光欲透草木翁。
巖浮動萬壑，充十里霧濕三光鬢。
陽烏展翅烟攄虹，倒射石

壁紛青紅中有兩峯迥不同向人騰躍比祝融厥
初生時誰所鑿分而為二疑靈窿自從巨斧開鴻
濛勢欲復合難彌縫小者為霍大者宮前高後亞
兒隨翁其顛石笋各卓空如窳堵波剗圓穹其旁
老松垂璫蔥雨露已費千年功初從南麓瞻崇隆
恍然御氣乘罡風青天一碧懸雙蓬仙舟出沒波
濤洪形隨徑轉日在東併作高柱孤巖峩首末稍
飲中徵豐異哉三竅何玲瓏下空一門拆崆峒中

央一線星光通最上一穴磨青銅團團皎月非朦
朧洞貫腹背豈羿弓誰與人力爭天工須臾位置
移忽忽左右互易驚愚蒙漸行漸遠漸不窮回頭
依舊藏霾霧我思佛力大且雄舍利所在塔廟崇
十方照耀開盲聾僧伽興廢會有終豈如茲山境
華高巍我俯開荆榛叢綿亘古塞接螭螭劫火不
壞況兵戎地雖僻左秀獨鍾昔名未彰今始蒙吾
皇盛德邁帝鴻盡攝六合歸牢籠年年雅詩賦車攻

山莊近在封域中已獲顧盼邀

重瞳何須秩祀偕三公小臣作歌達

聖聰特與此日慶遭逢

塞田雙穗嘉穀恭紀

查慎行

屬車到處瑞徵奇嘉穀

俗呼小米子

欣看燕尾垂異畝比

禾時九穗連畦如麥總雙歧澤流膏雨珠兼玉譜

入豳風畫亦詩從此康年宣勝紀太平

天子是農師

駐蹕巴龍桑阿蘇台

上於附近山中行圍

賜臣等全鹿恭紀

查慎行

雉尾雞翹曉望分旌旗高捲萬山雲威加草木秋
行令禮重驅腰畫掩羣從獸總歸司馬法回鑣如
策凱旋勲只慚未効三驅力拜

賜長先七校軍

駕幸海拉蘇臺大獵

賜臣等觀園恭紀

查慎行

聖朝雄畧彌宇宙四海為家同在宥

行宮直過大青山續武年年寓巡守川原著撫少旣
脫邊障清寧罷峯堠盡收種落當郊樊大展岡巒
作靈囿涼秋八月商飈發霜氣凝嚴冰未溜朝來
下

詔大合圍草淺林疎宜往狩三千虎旅移前帳十萬龍驤
出華廐奇毛箇箇五花文表貉揚旌徧巖岫層層

葉幄絢紅紫面面山屏圍錦繡前行十里雪初晴
千步場如築新僦遙看數騎林西麓畫裏依微人
比豆鴈行齒序列後先魚貫班聯隨長幼綿綿翼
翼遠不斷整整斜斜近相湊須臾旋繞山之東觀
者同時盡回首舉鞭初可一二數錯落星文排列
宿長松冠嶺嶺插空人馬從空俄下走呼聲幾處
震虛谷驚起雕翎落飛狄此時已有鹿斯奔闌入
圍場孤引胆東跳西顧迷所向首鼠張皇等鼯鼯

魚麗鶴翼頃刻成變幻圓方詎能究陣圖本是邱
井法旌立和門嚴介冑合圍漸緊壤漸平匝布叢
攢勢相繆不知鹿羣何處來俟俟僊僊紛邂逅磨
麋麋麋麋麋麋麋麋麋麋麋麋麋麋麋麋麋麋麋
却防內怔惶駭而驟渴舌長如飲澗垂野心思穴
重圍透

天威奮武臨咫尺頓轡齊鑣不容竇神機獨握舉大綬衆
志成城鹿為鏹虹流電掣忽飛鞚月滿弓開胥入

穀逸足公然帶箭馳先聲所至隨弦仆

一人獲雋萬人歡羣祝

君王千萬壽大昭旻報不盡發餘勇猶浮

袞龍袖網開一面頌

皇慈節應騶虞叶仁獸雲收霧捲圍乍撤萬騎如風散晴

晝小試真同掃塞氛盈庖豈獨充飮餌觀兵耀德
典彌崇行賞頌餘功孰懋竊聞上古有大甸秋獮
相傳本由舊青邱自行看雲夢吉日先須卜庚戌

漆沮甫草偶于畋悉率從王惟左右今之健兒干

二百來自諸蕃踰尉候

大國兵衆古兵一千二百五十人皆出喀喇沁諸部

落

期門將士但旁觀山力何曾技輕奏此皆

至尊善撫馭同軌歸誠車輻輳

國家恩澤浩如天蕃部寧非天所覆自然忭舞羣用
命王用三驅此其又車攻寧數小雅材羽獵應嗤
西漢陋矢詩橐筆本臣職況着征衣隨短後雖慚
無力効及鋌盛事千秋幸親覲

駐蹕興安嶺有

旨命臣等登絕頂遠眺恭紀四首

查慎行

崇岡斗起杳難攀

翠罕華旌歲往還六合一家寧恃險九邊三面總無

關龍沙展勢提封外鳥道盤空霄漢間

詔許重登峯頂望始知高出萬層山

忽開眼界向層巔指掌圖成立馬前東走

陪京山委浪北踰瀚海地黏天牛羊散千屯雪草

木青回萬竈烟四十九藩齊望

幸呼萬聲徹半空傳

甲帳辰旗紫邏長極天晴色辨微芒黃榆不斷庭
方路白日能消冰雪光獵騎嘶風爭北向野鷹隨
鴈亦南翔西山蒼靄遥相接直似登臨在

帝鄉

輿圖遠開古興安鳳舞龍迴氣鬱蟠半嶺出雲鋪
大漠喬松落葉倚高寒

嶺以北
皆落葉

丹青不數東南

秀俯仰方知覆載寬
萬里乾坤千里目
欣從奇險得奇觀

駐蹕伊遜河源

上親射石熊以熊掌頒

賜臣等恭紀

查慎行

千峯萬峯爭落木
秋聲蕭蕭氣肅肅
連朝續武大掩羣
殪盡山中雪斑鹿
西風捲地餘怒號
虎豹股栗豺狼逃
老熊何物敢自匿
出林獨叫求其曹

天威赫業揚雲罕，搗穴直窮熊所館。公然人立向人啼，正
值調弓彀初滿。皮毛與石孰比堅，不聞射石石亦
穿。須臾三發三命中，搖尾大似求哀憐。忽看趨捷
如猿鳥，騰上千年松樹杪。神機別以火器攻，霹靂
斜飛貫其腦。半空拗折青珊瑚，松耶熊耶墮地俱
皇心因材有生殺，倔强那得逃天誅。雉飛兔走清林莽，重
馬馱來徧行賞。驚性寧非恃爪牙，焚身竟至因蹠
掌。馳蹠鹿尾猩猩唇，舊傳此味配八珍。大庖祇合

供

御饌榮施何幸加詞臣臣聞南山之下渭水濱從禽搏
獸空鋪陳賦家漫誇三十六終日射侯原非真豈
如吾

皇勇且仁除兇服猛胥躬親已靖六合無纖塵山林兼使
異獸馴他年珥管紀上瑞郊藪行見遊麒麟

上親射金錢豹恭紀

查慎行

朔漠回鑾候

欽定四庫全書

欽定四庫全書
武定縣志
卷一百一

君王罷獵時忽聞山下豹正逐草間麋詎縱顏行抗還將
餘勇施三驅爭効命七校復揚旗金鏃霜花淬飛
龍電影追應弦疑樹鵠拔箭已連觔直作摧窮寇
真如殪伏雌右髀充上殺全質少微疵狸首斑斑
血猶睛睜睜眇鬚雄粗縮蝟爪利善藏雖自匿荆
榛窟初含霧雨姿氣曾吞虎兇力肯讓熊羆緩死
俄無路偷生詎有期但令供獮狩猶得壯威儀鎗
桿風搖尾鞍橋錦冒皮呈文留炳蔚取用及捐糜

師武當關險兵韜示象奇小臣慚獻頌何異管中

窺

駕發藍旗營乘舟網魚

命臣等沿河騎隨

賜鮮鯉人各一尾恭紀

查慎行

雪光晶晶山稜稜千山映雪朝日升灤河之水暖
不冰剡舟剡楫凌空去三尺黃龍

帝親御川后前驅風伯助挾形漸束波愈清潛鮮帖帖何

敢驚人聲不聞聞水聲須臾船重

皇情樂啣尾駢頭來繹絡八紘一張魚載躍鯨鯢鯢鯢
且多義不盡取收網羅滿渠新漲餘天波詞臣拜
恩已無算復

賜紅鱗長尺半馬上攜歸萬人看

命侍衛射虎召臣等同觀恭紀

查慎行

後射豹前射熊陰方凜凜生寒風既殺熊復殺虎
積雪皚皚映強弩

君王威德彌寰宇坐致遐方歌樂土開田築室藝稷黍
獸寧容此偏處爾牙如鋸我鐵錡焚林盪谷期盡
殲溪東距溪西相望十餘里忽聞響應徹山巔

天語遙傳順風耳

兩洋人所製

六飛所幸成坦途冥頑何物乃負嵎期門壯士能手搏
奏令何異天行誅天生

聖人能格物禱祀窮竒情狀悉耳端一缺戕一人厥罪昭
然何待詰自從殺此虎邊牧蕃雞豚自從殺此虎

莊戶長子孫黃熊赤豹同噬吞腥風掃盡無一存
小臣穉眼嗟未見談虎尋常色為變此來快覩三
害除直似偕遊向畿甸

扈從入古北口

查慎行

金支影轉翠微間萬馬驕嘶並入關
雄堞連雲軍角壯虎牙憑險戍旗閒
西風漸老河邊柳積雪回看塞外山
正是清秋好時節

六龍行狩扈南還

欽定熱河志卷一百九

欽定四庫全書

欽定熱河志卷一百十

藝文四

本朝

詩

乙酉五月扈從過青石梁新開路 查慎行

高入雲端俯作梁中間鑿石得康莊松聲落澗風
泉合藥氣浮山露草香馬為重經成熟路人貪早

度取微涼詞臣例飽

天厨膳已有中官候道旁

發黃甲營喜晴

查慎行

青浮翠積氣氤氲曉色俄從霽色分
馬首已迎初上日雕翎猶帶未歸雲
峯皆似染供屏幃樹不論年絕斧斤
曾記上番隨

蹕候灤河新漲隔山聞

癸未六月過此連值大雨

駐蹕樺榆溝特給官房止宿感

恩恭紀

查慎行

千帳連雲並出關
受廛何幸預清班
炎埃氣隔無三伏
覆載

恩深抵萬間
新瓦鱗鱗宜聽雨
短牆面面好看山
風餐露宿原臣分
每被殊榮輒汗顏

發撻榆溝從新開
石梁至喀喇河屯
查慎行

鑿開峭壁轉龍腰
高棧中縈綫一條
石叻仰歎泉作霧
雲根倒拔樹千霄
向來紆徑千盤作
此去前

村十里遙真覺太平民樂業山南山北盡漁樵

召遊行宮後苑

賜宴恭紀十二首

查慎行

銀河西繞翠微岡紫界東連宛轉牆一片樓臺先
入望蓬瀛遙在水中央

天然圖畫引躋攀盡出

宸衷指點間巖壑不須多架構下因流水上因山

神川過雨氣溟濛沙土無痕井脈通欲識泉源深

幾許轆轤聲轉白雲中

坡陀幾曲接砦頭漸入仙源境漸幽忽漫孤雲生
兩角小欄低檻盡如樓

煌煌

禁扁麗中天楹帖分題兩兩懸萬丈光芒爭耀眼不
知旁有好山川

松鶴陰從積翠生泉蘿烟月一時清每經

御墨留題處記得梅檀別殿名

卷一百十
帶峯傍石布芳筵夾岸鏗鏘奏管絃山水清音消
不得況從

天上聽鈞天

一道清流合兩河醜渠中有半開荷分明太液池
邊種重沐

天家萬里波

挿架排簾滿禁林

御牀左右列森森

行宮仍是圖書府
清暑時時惜寸陰

水精簾幙綠莎茵
行過星橋別有津
除却澆花無
汛掃就中何處著纖塵

疊砌平階茁露芽
近看如錦遠如霞
塞垣小草生
何幸開作長春花

華貂環座盡公侯

特許詞臣與宴遊
滿引金樽歌既醉
謝

恩齊上木蘭舟

隨

駕行興安嶺上

查慎行

橫亘東西路幾千直從遼海控居延盡消伏莽山
無樹不斷靈源地涌泉羣牧牛羊量論谷諸蕃廬
帳列如廬

聖朝不盡長成界一道平岡是九邊

山莊雜詠

有序

查慎行

山莊者我

皇上避暑行宮之統名也臣以草茅新進再塵扈從自夏

徂秋徃反各閱百餘日其間山川風土之美草木

禽魚之狀一一俱蒙

恩指示凡耳之所聞目之所覩口不勝述則紀以小詩合

成三十首用備忘遺不揣蕪詞並呈

御覽

朝涼夕爽絕氛霾盡裏山川處處佳

聖德如堯惟尚儉采椽不斷土為階

古北口外行宮八
所皆無丹楹之飾

章奏多從驛騎馳

行宮勤政日孜孜三更樺燭明如晝又是宵衣

乙覽時

溪穀山肴味有餘

慈幃時達問

安書往來中使頻相望何異宮庭侍

起居

每得新蔬輒遣中使馳送

皇太后宮

阡陌橫從蒔藝區幽風七月繪成圖
瓜瓠豆莢田

家味帶露朝朝進

御厨

烟光濃淡寫晴空多少旌旗掩映中大抵無峯無
好樹一峯不與一峯同

幾暇濡毫有萬行臨池無體不飛翔蛟龍噴作巖頭雨千
澗流來墨瀋香

畫鹿宮門樹射棚冬膠秋幹試初呈靜中人籟皆
天籟朱鷺單傳中的聲

嶺復固重不記名石砭隨處瀉琮琤濛濛薄霧沾
衣潤雲縷多從水面生

小雨初過月未升浮浮空翠煖如蒸不知濕氣消
何處萬竈炊烟萬帳燈

林幽谷邃暗霏微過午久換袂衣預卜明朝天色
好相風微動柘黃旗

松蓋年深雨露滋茯苓琥珀化應遲太平是物爭

呈瑞枯枿先看出紫芝

赤芝產落
葉松根

灤水清流比漆沮，霄潭潑潑漾菰蒲。細鱗柘綠皆

堪繪，不數紅鰓巨口鱸。

細鱗魚重唇身有黑斑柘綠魚色微綠皆灤所產

汜子何淤瀉，鹵開霜華彌望白。唯唯邊民聽食天

然利，只禁鹽車入口來。

汜子河生天然鹽不待煎熬而成蒙古用小車載以

易買

煜煜蒼龍尾，角蟠小星如沸開。林端乍驚三尺飛

光度，螢火大於金彈丸。

塞外流螢極大光可燭三尺許

泥金細縷簇龍鱗，首尾中分翡翠紋。頗訝賦形同

蝮虎試看噓氣却成雲

山中蝮蛇長四尺許頭以下色如翡翠有紋如魚鱗

尾作金色吐氣為

雲土人呼為雲虎

多年沙土養奇材照夜潭疑吐蚌胎可是水中真

蘊火但生涼燄不然灰

山名根入水千年光如水精夜置暗室中寒燄畢見

銳頭長尾口如鰓肉翅旁連四足俱猜是千年老

蝙蝠問名方始識飛狐

飛狐銳頭缺口耳小尾長毛深褐色翅如鼯語四足

生翅中前三爪後五

爪能飛不踏尋丈

叢間樸樸葉先枯歐李駢睛似火珠長路微甘供

解渴馬鞭爭挂紫珊瑚

敗李一名烏喇奈子如櫻桃而大味微甘而醇

青楓烏柏自喬柯映日多成錦繡窩片片丹砂開

障扇就中槲葉得霜多

槲樹葉大如團扇初生時可裹粉餅食秋月經霜

鮮紅可啖

山梨微溢杞漿酸崖蜜煎從翠釜頒珍重蓬萊金

醴味不傳方法向人間

山梨枸杞汁經煉成膏味皆鮮美上當以賜

臣近

榛實初生似栗蓬秋來采掇出低叢雞頭剥玉差

相並餌釘曾無一顆空

俗云十棒几空塞外所產不爾也

難憑本草考稀苓異卉奇葩眼未經滿地根株移

不得金蓮垂實箇收釘

地產金蓮花及猴頭麻姑

官馬如雲盡上膘便經霜雪也肥饒地黃首偕人
人識何以連山盡藥苗

千盤百折上興安寒燠平分咫尺間忽見萬松齊

落葉人言山後是陰山

落葉松生興安嶺北秋冬凋落與凡木同

道是山鄉又水鄉四時多半領秋光西風欲起駝

爭園早雪將飛麝退香

雲端千仞跨晴空真是飛梁亘彩虹番語漫傳生

吉兔佳名新賜玉玲瓏

達顏嶺東北四十餘里山顛巨石百餘丈中通一門

望若飛橋蒙古謂之生吉兔

皇上改名玲瓏山

晨隨羽衛愛山行夜宿周廬傍幔城自入秋來常

起早挈壺攢點最分明

詞臣帳房在行宮南門外五十餘步欽天監司漏

處也

畫屏環繞直廬傍草色常先柳色黃八月初頭風

力緊夜來傳

上旨禁燒荒

塞外草枯禁野火犯者法甚重

蝗不成災歲有秋直從畿甸到邊頭更教州縣除

蝻子預計來年

睿慮周

秋來蝗不為災
明年慮命畿輔所在徧掘蝻子

皇上為

溪流經雨雜清渾茗椀頻霑雨露

恩日給大官泉一斛祗應繁亦思源

自發喀喇河屯恐河流
渾濁至傷脾氣

賜臣等官厨
水石一石

丙戌七月扈從曉發熱河度嶺至喀喇河屯天尚
未明

查慎行

塞天暑亦涼矧此秋候變披衣起我早熟路馬重
踐羣峯競高低孤月遮隱現參差樹交影斷續雲
流片長風從西來過耳劇嚆箭行行得平地星火
遙可辨嵐霧溘然蒸橫前鋪白練道旁有雙塔隔
手不復見礧絕賴橋通泉鳴知徑轉忽聽一聲鐘
微茫識

行殿

口外無佛老之宮惟烏城之旁有新創穹覽寺及琳霄觀

行宮

上入山行圍射獲白鹿一頭恭紀

查慎行

白鹿非凡種仙山歲月長出當時有道瑞叶

壽無疆洞口眠時月原頭望處霜
明明開射的皎皎入圍場
碧砮千鈞鏃瑤星一道芒
最宜研並獻肯與豹深藏
至潔斑同雪如膏色勝蒼
皮能留素質草不療金創
雕俎充庖味銀毫耀眼光
謬慚陪羽獵作頌比麟祥

重過玲瓏嶺看霜林作

查慎行

犖确重來路秋容最好時
往年輕雪早今歲得霜遲
二月花相似千林景特奇
問名難辨種設色故多姿
濃淡丹黃葉交加爛熳枝
簇來成綺繡疎處度旌旗
換眼層層別迴鞭步步隨
已憐侵暮色還與殘華滋
粧點江南畫鋪張塞外詩
偏宜晴旭映未受峭寒欺
好事何人賞登高此地宜
丁寧朔風候旦晚莫狂吹

雪後隨

駕度汗特穆爾嶺

查慎行

校獵秋初罷

回鑾雪乍零
雲峯晴晶晶
風磴曉泠泠
換景供吟筆
收圖入畫屏
萬株枯樹頂
獨愛一松青

發波羅河屯至藍旗營

查慎行

劍分一嶺隔西東

自駱駝嶺東北為校獵之區其西南則山莊也

半月

風光迥不同
沙磧人歸黃
落後山家烟
起翠微中

年豐障塞秋先獲水落浮橋路盡通誰信古來甌
脫地築場樊圃入幽風

自星龕巖歸至烏城道中重見霜林再疊前韻

查慎行

過眼當搖落繁華又一時地非千里遠候較兩旬
遲煦日晨猶麗烘霞煖更奇黃留將雪景紅發未
霜姿秀拔多喬木輪囷乏醜枝似燒原上火爰映
酒邊旗猶憶衝炎去曾經緩轡隨綠陰晴借爽潤

金史卷一百一十
色雨添滋忽換登高屐來題看葉詩含情如見待
有信不吾欺榮悴天難主妍媸分各宜本非松與
栢那免受風吹

重陽後十日扈從入古北口

查慎行

踏遍雲中雪外山敝裘重脫柳重攀寒花過節如
迎客朔雁先期已度關官馬散隨黃犢臥戍兵秋
較老農閒書生幸廁

鷺鷥後默數三年六往還

熱河紀事六首

勵廷儀

蜿蜒環嶺臨曉建

宮垣拱極千山脉朝宗萬壑源邊風多樸厚土物日
孳蕃總被陽和澤冬泉氣自溫

地占佳山水

離宮闢一隅花繁知溜暖穀稔喜田腴耨獲民依切
陰晴

睿念紆爭看

文園裏稼穡繪函圖

風土敦龐地天教界兩京

詩篇酬勝景圖畫

錫嘉名雨後銜芝鹿風前選樹鶯幾回登島嶼不復羨崑

瀛

好景

帝開先從遊逾十年鶴鳴莎邏軟魚躍蓼紋圓曲岸迴蘭

棹繁陰覆錦韉迎

息邀一盼萬景儼登仙

屋斜無定向隨意築林邱爽氣千峯逼濃烟萬井稠
含毫增逸思振轡足清遊伏暑崇朝雨迎涼敵九秋

清切趨仙直宏文啟別廬溪雲霑硯席巖翠滴衣裾
性與烟霞愜身依霄漢居自慚還自喜故舊得應徐

扈從出古北口

張廷玉

曉日未出山烟昏冷風直透重繇溫長鞭鞭馬過
峻嶺綵旂近指南天門綫路不足容兩軌猙獰怪
石狼虎蹲攬轡高吟顙濱句前途山色非中原長
城直與鳥巢似雲邊隱見顏垣存前朝防戍疲士
卒峯頭高下連營屯一聲羌笛霜月苦枕戈倚戟
忘寒暄青燐散野白骨聚至今想像猶銷魂

聖朝聲教遠莫外黃支烏弋皆稱藩
堠臺不設亭障罷窮邊往往如度垣
年年避暑歷茲土笑迎

鑾輅山花繁書生珥筆良厚幸趨隨

清蹕邀殊恩朝嵐夕靄供覽矚巉巖危磴從攀援盛事真

足傲千古昔人出塞安足論

扈從自喀喇河屯至樺榆溝

張廷玉

馬蹄侵曉發烏城衣透涼風溽暑清嵐氣千峯疑
翠滴煙光一縷似雲生幕連沙尾高低見路鑿山
腰曲折行最愛沿溪三十里奔流不斷雪濤聲

扈從喀喇河屯蒙

金史卷一百一十
恩召入

行宮

賜宴徧覽苑中諸勝恭紀四首

張廷玉

索筆辱叨

錫宴榮簪裾連步到蓬瀛
雙溪水繞平橋遠萬壑雲依曲
檻生臺榭參差隨地築山川環立自天成
闌風換
盡塵凡骨俯仰都教耳目清

盡收好景在庭除一幅畫風總不如湛露無邊滋

稼穡

萬幾餘暇玩圖書天淵體道爲魚趣山水怡情仁智居五
色

宸臺光萬丈仰瞻銀榜麗瓊琚

層臺高陟若凌空人在苔痕樹影中央岸林巒含
宿霧隔溪歌吹逐微風芊芊草拂漁磯綠點點花
飛釣艇紅到此始知

文園樂時當秋肅若春融

承

恩更泛木蘭船特設芳茵

御座前法醞自天傾石髓宮庀隔岸送瓊筵幾人得聽金
璫曲兩袖都攜玉篆烟自是太平多盛事塞垣同
賦蓼蕭篇

召遊行宮後苑恭紀

張廷玉

潤草巖花映碧蘿五雲長護萬年柯迎涼樓閣依
山迥避暑軒窗傍水多卧石幾重橫玉几飛流千

尺瀉銀河誰言天漢無人到已許乘槎六度過

是年

遊覽凡

思命
六次

塞外扈從紀事四首

張廷玉

六御逢秋獨闕山驛路通昨朝霜始白一夜樹全紅馬踏

千林葉駝鳴萬壑風解鞍吟短句難寫塞壩雄

舉頭天尺五真媿受

恩偏朝食分仙饌宵燈接

御筵

臣等帳幕設於黃幄東南最近處

命安

獵場容緩轡行帳每烹鮮勺

水皆漫液如傾第一泉

地偶乏水奉於

御厨取給

命

圍場遙在望虎旅若雲騰
分隊旗雙引穿林騎一
層草遮傷箭鹿風送脫
韝鷹古禮三畝重書生
見未曾

返照連山紫重圍合又分
馬蹄宜淺草豹尾帶殘
雲木葉翩翩下溪流斷
續聞不愁岐路晚身傍
羽林軍

雨後扈從出古北口

張廷玉

衆木吟風送晚晴振衣關口覺身輕螺尖滴翠千
重岫雉堞蟠雲萬里城澗湧清泉珠歛欲橋穿白
石玉崢嶸昇平鎖鑰無勞設長許書生款段行

雪霽隨獵

張廷玉

嚴寒一夜雪霏霏早起冰花點客衣千樹凍時璫
蕊密四山還處玉塵飛雲銜曉日迎

仙仗路絕纖塵合

御園正是前岡風力勁

天弧頻中仰

天威

扈從塞外蒙

恩召入

行宮泛舟觀荷徧覽諸勝

賜宴於流杯亭恭紀二首

張廷玉

經年未踏三山路此日重登太乙舟
錦萼千層圍兩岸紅雲一片在中流
空明潭影全消霧雜沓泉

聲欲送秋宛轉蘭橈向何處徧隨鷗鷺過汀洲
橋藏深樹路穿花次第探奇到日斜廊廡高低因
水石軒窗朝暮納雲霞連畦特植雙歧穀亞架還
懸五色瓜為是

恩波最優渥遊仙更與飯胡麻

扈從進古北口

張廷玉

如雲千騎散高原扈蹕人歸自塞垣九折岡巒分
內外一重關隘隔寒暄新霜未改青林色宿雨猶

滋碧蘚痕指點溪橋皆舊識不愁前路暮烟昏

扈從度嶺行

張廷玉

鞭鐙連雲度嶺東
荻花如雪舞秋風
山橫豹尾龍旗外
路在楓林柵葉中
野兔避人依茂草
鷓鴣擊雉上晴空
書生見獵心先喜
躍馬高原也自雄

秋日隨獵紀事十二首

張廷玉

穿林跨壑騎如飛
健卒連岡正布圍

龍馭遠從山頂過
丹楓高映柘黃旂

霜林濃處獸成羣待合圍時日半曛一騎直追奔
鹿去控弦深入數重雲

萬竈炊煙暮色催終朝登陟試龍媒忽聞鐵騎歡
聲動又向前山殺虎來

幾務偶閒披萬卷健行不息愛三餘秋原射獵歸來晚
帳殿懸燈尚校書

聖朝威德徧遐荒紫塞天開畜牧塲芻粟不需民力省養
成牛馬谷難量

諸番部長遠迎

鑿膜拜呼嵩夾道歡布幕居中車四繞傍山新立小營盤
狂風未見卷飛沙信是陽和近

翠華共說今年天氣暖中秋方見雪飛花

興安嶺與碧雲齊徑路盤旋信馬蹄地勢漸高渾
不覺直登峯頂萬峯低

裁綃剪綺樹鋪紅吹散霜林大漠風一谷陰晴太
無定漫天雪片日光中

獵罷歸營月未升
四山如霧晚煙凝
馬前錯落流星影
萬帳齊明萬點燈

莫道書生款段遲

天開分與驕驍姿
路人爭看牙牌上
細寫蕃王入貢

時

恩賜名馬於項下
懸牌記外蕃進貢年月

布幕高懸俯碧溪
夜深燈火望還迷
向來此景無人道
月白山空萬馬嘶

隨獵

張廷玉

珊瑚鞭指日東升人在岡巒最上層
逐電愛看千里駿
摩空齊縱九秋鷹
弓彎明月形常滿
旗捲寒雲影共騰
慚愧年年扈

清蹕長楊欲賦歎何能

康熙五十二年五月二十五日蒙

恩宣賜筵宴得遊

避暑行宮懷

恩紀事詩二十首

湯右曾

苑籞紅泉繞翠岑

萬幾餘暇始登臨寧知清暑迎涼地盡是誠民阜物心

宮門

搖溶桂楫漾蘭舟青雀晴飛彩鷁浮欲到蓬萊三

萬里應從瀛海更乘流

登舟

碧樹周阿夏景清三才萬物塵

皇情每尋解慍歌薰句已覺涼颼殿角生

無暑
清涼

軒窻面面納虹霓左是丹臺右玉梯每惜寸陰勤

乙覽晨霞紅映數峰西

西嶺
晨霞

殊形持似產芝房行盡雲根別有莊橫截一隄銀

漠繞大羅天在水中央

芝還
雲徙

夾鏡澄明到碧虛四山晴翠繞周廬分明圖畫西

湖景此景西湖較不如

雙湖
夾鏡

穿蒲戲藻自遊行集網垂釣了不驚自是

至仁周萬物一鱗一鬣總生成

石磯
觀魚

稻垂麥仰足陰陽土厚泉甘草木香會吐雙歧街

九穗一星天上應農祥

稻曰
步龍

波迴芷岸接菱汀曲水流杯眼乍經總為

帝書真第一恍從蘭渚到蘭亭

曲水
流觴

遙青不斷綠雲鋪萬木蒼然總畫圖對面千林有

瑤島蓬壺高處望方壺

萬樹
園

狀流噴薄雪成堆潤物資生一竇開直送

恩波到東海俱從天上發源來

趵突
泉

聖心原自合

天心誠敬由來昭格深此日高居瞻絳節六時仙樂海潮

音

上帝

曾從廬阜尋巖瀑憶到黃華問水簾今日銀河天

半落恍疑兩地一時兼

瀑布

迴崖嵌嶂翠浮空峭壁巉巉挿水中直是五丁開

不得天然疊出錦屏風

石壁

仙巖時有絳雲封樹葉陰邊自養茸待到千年毛

盡白仍瞻赤驥御蒼龍

馴鹿

將雛挾子共因依瑤草金沙翠羽肥從此隨陽天

直壯年年更不要南飛

鴈候

移根幸植玉階旁寶地蓮臺萬品香天與十分端

正色豕

恩先借御袍黃

金蓮花

龍沙小草孕瓊漿

賜出金盤得共嘗一自嘉名

天錫與海南不記荔枝香

草荔枝

青絲籠裏盛猶早白玉盤中看不殊每向上蘭宮

樹望勻圓萬顆水精珠

白櫻桃

仙人六膳出珠宮九奏簫韶率舞同百子池頭萬

年樹侍臣身在彩雲中

筵宴

閏五月初二日二十日復蒙

恩賜膳兩遊

避暑行宮紀

恩詩四首

湯右曾

君恩重許到

行宮複嶺澄湖望不窮仍泛靈槎渡河漢復驂

法駕上崆峒神臯路迴環仙境福地天開養

聖躬常願萬年調玉燭五雲樓閣翠微中

謳歌東陌復西阡瑞麥嘉禾滿塞壩人慶六旬逢

聖節天教九域遍豐年中和氣與陰陽會易簡心通造化

先昨日山靈出時雨為迎

仙蹕到溫泉

松風別殿倚層岑

寶字瓊章許遍尋孝養陔華崇

帝德阜成民物見

天心文已理數圖書秘詩叶咸韶雅頌音

揮翰萬言成頃刻由來

聖學至高深

籠蔥佳氣接芳原淑景晴開閭闔門三謁

帝臺當畫永每承

宸幄似春溫
風前紅萼穿波出
檻外金英耀日繁
小草亦蒙天地德
微材難報

聖朝恩

黃土樛

劉巖

後嶺連前嶺
天根倚石根
峭稜熊耳萼
穹洞虎牢門
鳥路穿雲迥
驂蹄踏霧昏
中原回睇處
寧獨華嵩尊

鞍子嶺

劉巖

天畔挿山棱盤盤幾百層石危循磴歇峰峭撥雲
登朔吹旋崖瀑寒聲裂竇冰未曾鐫姓字孤負碧
峻增

熱河山莊四季應

制

王敬銘

珠杓迴淑氣韶景麗仙家綠展扶輪草紅鋪簇仗
花曉山明似黛晴園望成霞

睿思同春益非徒攬物華

春

九夏調槐序涼從別館生庭移葵日靜沼拂芟風
清鷺立金沙影蟬迴翠樾聲始知無暑地塞景自
天成

夏

地勝涼颼早天高爽氣多鮮階蛩自語楓坂鹿頻
過暗露初塗玉纖雲半捲羅西成徵上瑞


文圓熟嘉禾

秋

歲屆安寧節天隨

日馭迴書雲占玉宇映雪上瑤臺密室香猶護迴塘凍未

開璇甯生意轉芳信已相催冬



欽定熱河志卷一百十